



Publicaziuns officialas dils 14-02-2020

Sera d'orientaziun pertuccont il maletg directiv dil territori

Mardis, ils 18 da fevrer 2020 ha liug ina orientaziun publica davart il maletg directiv dil territori ch'ei exponius public naven dils 7 da fevrer 2020. L'orientaziun ha liug dallas 20.00 en casa da scola Surrein.

Sumvitg, 14-02-2020

Suprastonza communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 14-02-2020

Departament stradal

Uniun da dunnas Surrein

Gliendisdis, ils 17 da fevrer 2020 naven dallas 19.30 cusin nus satgets da teila en casa da scola a Surrein. Nossa convischina Rosvita Deplazes muossa a nus co ins sa cuser quels nizeivels satgets ch'ins drova per pesar ils fretgs e las verduras en stizun (Mehrwegbeutel). Tgi ch'ei en possess d'ina maschina da cuser, duess prender quella cun ella. Annunzias pren Giuanna Pelican encunter entochen sonda, ils 15 da fevrer (076 537 78 45). Selegron sin in'emperneivla sera envida *Uniun da dunnas Surrein*

Uniun samaritana Sumvitg-Trun

L'Uniun samaritana Sumvitg-Trun porscha in cuors d'emprem agid. Quel ha liug **ils 2/5/11/16 e 19 da mars 2020** en casa da scola a Sumvitg naven dallas 19.00–21.00. Per ulteriuras informaziuns e l'annunzia astgeis sedrizzar tochen ils 24 da fevrer tier Gabriela Lutz, tel. 081 943 10 26 ni gglutz@gmx.ch

Las Zoclas Sumvitg

Prezias amitgs da tscheiver

Ils 21 da fevrer 2020 fagein nus tscheiver en vischnaunca. Nus sunein en suandonts loghens:

16.00 en Casa S. Giusep, Cumpadials

18.00 avon il Volg, Surrein

18.30 sin plaz Cadruvi, Rabijs

21.00 sin plaz Cadruvi, Sumvitg

Nus selegrein da Vossa viseta. *Las Zoclas Sumvitg*